

Bouw 7c - Brant van Delen 1454

Gelders Archief Toegang 0012, inv.nr. 405 regist 193

10_10_53 (deels)

Folio 1 en verso 1454. Des donredachs op de St. Anthonisdach¹. Hertog Arnolt verpandt aan Bette, huisvrouw² Brants van Deelen de thienden geheyten Rempst ende Aenstoet, voor twee honderd vijftig Rijsche guldens.

10_12_03

(in de bovenmarge): Verscivonge van ii^c l *golden gulden* op de x^{en} Rempst *ende* Aenstoot, te lossen Petri³, xiii dage voir oft nae.

(in de marge): gelost Petri liiii

Wij Arnolt, van der genaden Gaitz Hertoge van Gelre *ende* van Guijlick *ende* Grave van Zutphen, doen condt allen luyden *ende* bekennen voor onss, onsen erven *ende* nacomelinghen, dat wij van gerechter wytlicher bekander scholt⁴ *ende* van gereden geleenden gelde, dat voer t in onsen kenlijcken nut *ende* oerboer⁵ gecomen is, schuldich zijn Bette, echte huysvrouw Brants van Deelen *ende* hoeren erven, twee hondert *ende* vijftich Koirfurster averlentsche golden Rinsche guldene *alse* voer dach datum dis brieffs gemont⁶ *ende* geslaegen sijn off ander guet gulden payment daervoer in gelijcker waerden in der tijt der betalinge voer welcke *voerscreven* somme gelts wij Bette *voerscreven* *ende* hoeren erven gesat⁷ hebben *ende* setten, mit desen onsen apenen brieve in onsen raedt thienden geheyten Rempst *ende* Aenstoet. *Ende* zoe Brandt van Deelen *ende* zijn voervaderen die van onsen Rentmeisteren *ende* clercken in pachte gehadt hebben jaerlicx voer derthiendehalff⁸ molder roggen niet daer van uuytgescheyden⁹, welcke *voerscreven* thiende Bette *voerscreven* *ende* hoer erven, gebreck hoeren¹⁰, voertaen hebben besitten, gebruycken *ende* selver *verpachten* sullen tot hoeren schoensten nutte *ende* oerboer, ongelet¹¹ *ende* ongehyndert van ons[], onsen erven *ende* nacomelingen, sonder eenigen pacht onss off onsen nacomelingen daer jaerlicx aff to geven, ter tijt toe *ende* soe lange wij Bette *voerscreven* *ende* hoeren erven guetlijcken hebben doen vernuegen *ende* betalen die *voerscreven* somme gelts mit namen twee hondert *ende* vijftich Rinsche gulden *als* *voerscreven* staen. Dat wij off onsen erven t allen tijden, wanneer onss dat evenste¹² compt, doen sullen *ende*

¹ 17 januari

² echtgenote

³ 22 februari

⁴ wettelijk erkende schuld

⁵ nut, geldelijk voordeel

⁶ gemunt

⁷ aangesteld

⁸ 12 ½

⁹ uitgezonderd

¹⁰ zo zij in gebreke blijft

¹¹ onbelemmerd

¹² te pas

moegen op alle Sinte Peters dach ad cathedram, veerthien dagen voer off nae onbegrepen ende anders tot geenre tijt¹³. Ende wij gelaven¹⁴ Batruijt vurscreven ende hoeren erven die vurscreven onse raet thienden rustelijcken ende vredelijcken tot hoeren wil te verpachten, an te voeren¹⁵ ende te gebruycken laeten sonder enighe krot¹⁶ ofte hinder daer an te doen, te doen doen off te geschien laeten¹⁷ van onss off yemandt van onser wegen in alle maeten als vurscreven staet, sonder argelist. Oirconde der waerheyt, soe hebben wij onse segell voer onss, onse erven ende nacomingen van onser rechter wetenheyt¹⁸ ende gueden berade an desen onsen apenen brieve doen ende hebben hangen, ende want¹⁹ wij dan des buyten Arnoldus van Goer, onsen averste²⁰ Rentmeister, niet doen en moegen, soe wij hem die voerscreven onse

10_12_21

raedthienden voer mit anderen onssen renthen in Veluwen *versegelt ende verbriefft*²¹ hebben, soe hebben wij van hem gesonnen²² ende begeerdt dit mede te bekennen²³, aver te geven ende te besegelen. Dat ick Arnoldus voerscreven omme begeerte wille mijns alrelieffste genedige Heeren vurscreven bekenne gheerne gedaen the hebben en hebbe des mijn segell beneden sijnre genaeden segell mede an desen brieff gehangen, ende bekenne onder den selven mijnen segell alle sake voerscreven vast, stede ende onverbrecklijcken te halden, soe vele mij dat antreffende²⁴ is. Gegeven in den jaer onssen Heeren duisent vierhondert ende vier ende vijftich, des donredachs op Sinte Anthonis dach.

¹³ en niet op een andere datum

¹⁴ beloven

¹⁵ beheren

¹⁶ last, belemmering

¹⁷ laten geschieden

¹⁸ naar beste weten

¹⁹ omdat

²⁰ hoofd-

²¹ schriftelijk verklaard, beloofd

²² gevraagd

²³ erkennen

²⁴ voor zover het mij betreft